

四庫全書

集部

欽定四庫全書

御定歷代題畫詩類卷五十八目錄

仕女類

倚竹圖

宋范成大

倚竹圖

元王惲三首

脩竹士女圖

元張雨

脩竹美人圖

明王燦

翠竹黃花二仕女圖

明徐賁二首

脩竹仕女

明姚綸

倚竹仕女

明吳寬

題沈侗齋脩竹仕女

明文徵明

嗅梅圖

宋范成大

嗅梅圖

金李仲略

題梅花仕女

元李元珪

梅邊美人

明夏寅

梅樹美人畫

明徐渭

梧桐仕女圖

元 鄭韶

梧桐仕女圖

明 鄒亮

題碧梧美人

元 華幼武

題馮叔才芭蕉仕女

元 鄭洪

題芭蕉美人圖

元 楊維禎

芭蕉仕女

元 張天英二首

芭蕉仕女圖

元 鄭韶

芭蕉美人圖

明 高啓

題芭蕉仕女

明高啓

紅綠蕉二女圖

明楊基二首

題芭蕉仕女

明文彭

芭蕉美人圖

明朱諫

芭蕉美人

明夏寅

題芭蕉仕女

明唐寅

芭蕉仕女

明閻名

蕉萱仕女

明唐庠

題美人翦牡丹

元李祈

題牡丹仕女圖

明錢宰

題辛夷仕女圖

元秦約

海棠仕女圖

明鄭澗

題桂花美人

明高啓

翦花仕女

元張昱

題撚花仕女圖

元楊維禎

看花仕女圖

元倪瓚

劉曜卿畫折花宮女

元張昱

折花背立二美人圖

明徐賁二首

折花仕女

明楊基

折花仕女

明沈周

折花仕女

明姚綬

題折花美人圖

明徐渭

宮女賞花圖

元袁桷

題張彥明所藏翦紙惜花春起早圖

元岑安卿

題美人惜花圖

明張鳳翼

花前獨立圖

明錢宰

簪花圖

明陳繼儒

鬪草圖

明張鳳翼

美人撲蝶圖

明高啓

題美人撲蝶圖

明王穉

觀蝶仕女

明楊基

馴鶴圖

金王予可

內人臂白鸚鵡圖

元陳深

題鸚鵡仕女圖

元張昱

題宮人調鸚鵡圖

明王世貞

題李亮功家周昉畫美人琴阮圖

宋黃庭堅

內人阮琴圖

元陳高

題美人琴阮圖

元郊韶

美人摘阮圖歌

明高啓

題摘阮圖

明王世貞

為錢理容題美人月琴圖

明湯潛勣

題美人彈琴圖

明張鳳翼

題二宮人琴壺圖

元薩都拉

題張叔厚描琵琶仕女

元熊夢祥

題琵琶仕女圖

元宋本先

題張叔厚畫琵琶仕女

元鄭東

琵琶仕女

明祝允明

抱琵琶偶竚蕉陰美人

明徐渭

題美人彈箜篌圖

明張鳳翼

周昉橫笛圖

元張憲

吹笛仕女圖

明張泰

夜月吹簫圖

元王翰

周昉按樂圖

元李俊民

周昉按樂圖

元張翥

舞姬脫鞋歌題畫

明楊慎

舞困圖

明郭武

宮女度曲圖

元 袁桷

宮娥奕碁圖

元 袁桷

題雙陸仕女

明 貝瓊

御定歷代題畫詩類卷五十八目錄

欽定四庫全書

御定歷代題畫詩類卷五十八

仕女類

倚竹圖

宋

范成大

輕薄人情翻覆手
冰容却耐幽居久
關中舊事逐春休
付與行人莫回首
目送斜陽忘却歸
竹風搖曳翠羅衣
君看脈脈無言處
中有杜陵飢客詩

倚竹圖

三首

元

王惲

錦字挑香翠易顰一枝脩竹立湘裙
定情正在冰霜操不到琴臺日暮雲

粉香沾袖怯輕寒都著幽情寄竹間
多是楚山湘水怨不應空待賣珠還

天寒翠袖儘輕盈暮倚湘筠思不勝
何異澗阿幽隱士長材空抱乏賓興

脩竹仕女圖

元張雨

空谷佳人玉珮璫琅玕斜搭領巾長
杜陵野老多才思

解道風吹細細香

脩竹美人圖

明
王 燧

蘭膏香膩盤雲綠愁鎖春山黛痕蹙天寒日暮悄無言
翠袖盈盈倚脩竹脩竹無心亦有情竹花結實珠繁榮
秦樓人去彩鸞香湘江種得相思成相思有種何時歇
竹上年年怨離別千古魂銷怨不銷淚紅染作鴛鴦血

翠竹黃花二仕女圖

二首

明
徐 賁

蘿屋煙絲斂微夕錦瑟罷彈機罷織寒濃翠薄如蟬衫

竹色搖風競疎碧鳳聲天遠誰能聞綠蛾黛影愁不分
楚山九點昨宵夢淚花染盡瀟湘雲

翠衫輕薄裁新蟬琅玕獻碧爭秋妍愁縈翠黛向誰是
望中九點芙蓉煙淚簇霜痕紫雲淺曉色初凝寒意軟
賣珠小婢未還家倚風獨看黃菊花

脩竹仕女

明姚綸

瑤臺無信托青鸞一寸芳心思萬端更向東風倚脩竹
翠衫禁得幾多寒

脩竹仕女圖

明
吳寬

曾讀杜甫佳人篇佳人今向畫圖傳
練裙縞袂春風裏不減花神并水仙
牽蘿補屋居空谷日暮依然倚脩竹
只隔西鄰短短牆楊花榆莢紛相逐

題沈侗齋脩竹仕女

明
文徵明

開盡閒花草漫坡青春零落奈愁何
詩人自惜鉛華冷翻出天寒翠袖歌

嗅梅圖

宋
范成大

雪意勒花愁未解背陰一朵寒先退東風還是去年香
不比人心容易改宿酒夢騰正耐春花枝人面兩時新
相看好作風流伴只恐花枝却妬人

嗅梅圖

金
李仲略

朧朧霽色冷黃昏缺月疎籬水外村人在天涯花在手
一枝香雪寄銷魂

題梅花仕女

元
李元珪

夢裏尋香出曉城一聲殘角暗魂驚美人不作羅浮夢

獨倚梅花看月明

梅邊美人

明
夏寅

欲向東風問早春閒來花底步看塵試看一種嬋娟態
即是羅浮夢裏人

梅樹美人畫

明
徐渭

霜重衾單少婦孤遼西秋半去征夫至今不寄一行字
欲寄梅花花尚無

梧桐仕女圖

元
鄭韶

厭厭微步出深宮
露濕紅綃怯晚風
爭信長門今夜月
肯分清影照梧桐

梧桐仕女圖

為錢孟實題

明

鄒亮

蘭膏膩滑金釵溜
繡帶斜分嬋香袖
瑣窗睡起思嬌慵
練裙六幅湘波皺
月轉虛欄風滿林
碧雲迢遞銀河深
香塵不到襪羅冷
下階踏碎梧桐陰
梧桐老去孫枝長
枝上鳳凰棲兩兩
憑誰巧斲琴瑟成
諧奏宮商協幽響
蕭郎不歸春意闌
夢繞梨雲花作團
銀塘露冷芙蓉老

錦鴛怨入秋風寒楚雲湘水鱗鴻杳兩點春山愁不埽
低徊顧影悄無言明朝只恐朱顏老

題碧梧美人

元
華幼武

晚涼新著絳綃衣月淡香階步玉墀却怕姮娥妒顏色
鳳皇枝下立多時

題馮叔才芭蕉仕女

元
鄭洪

楊花夢覺春陰陰鳳釵綰髻雙黃金守宮血冷臂如削
豆蔻繭紅愁正深羅衣熨帖沈煙縷恨身不作雙飛羽

芭蕉心折郎未歸
麝蕊花開淚如雨

題芭蕉美人圖

元

楊維禎

髻雲淺露月牙彎
獨立西風意自閒
書破綠蕉雙鳳尾
不隨紅葉到人間

芭蕉仕女

二首

元

張天英

為愛芭蕉步玉除
雲根飛翠濕霞裾
蕊珠宮裏歸期近
懶把芳心葉上書

瑤砌春陰翠氣明
玉顏彷彿見飛瓊
幽懷自厭黃金屋

閒向芭蕉花下行

芭蕉仕女圖

元
郊 韶

玉階風細漏遲遲
月冷并玳鬢影垂
怪底新涼滿團扇
紅蕉花下立多時

芭蕉美人圖

明
高 啓

琴罷咏春朝
餘醒吸露銷
詩成無落葉
聊為寫芭蕉

題芭蕉仕女

明
高 啓

秋宮睡起試生羅
閒向芭蕉石畔過
怪底早涼欺匣扇

夜來葉上雨聲多

紅綠蕉二女圖

二首

明

楊基

兩樹紅蕉隔禁扉
曉涼攜伴試羅衣
金鈴小犬迎人吠
應怪秋來出院稀

為折芙蓉向御溝
碧羅衣薄又驚秋
侍兒剛道新涼好
不解芭蕉與扇愁

題芭蕉仕女

明

文彭

雲鬢冰肌態橫生
瑤階瓊砌照人明
午窗夢醒渾無事

閒看芭蕉獨自行

芭蕉美人圖

明
朱諫

何處飛花減春色一葉芭蕉轉深碧薰風窗下似酒濃
玉顏一醉嬌無力芭蕉正好窗下看翠眉掩映憑闌干
莫遣西風剪梧葉滿庭白露生清寒君不見玉環舊日
看牡丹玻瓈進酒君王歡馬嵬山前墮青草香囊不返
蓬萊魂至今野燒連高原圖畫芭蕉何足言

芭蕉美人

明
夏寅

曉妝纔罷思徘徊羅襪輕移步綠苔試向芭蕉問春信
一緘芳札為誰開

題芭蕉仕女

明
唐寅

獸額朱扉小院深綠窗含霧靜悄悄有人獨對芭蕉坐
因為春愁不放心

芭蕉仕女

明
闕名

獨立徘徊意若何羊車聲已過臺坡黃金屋裏春風面
不及芭蕉雨露多

蕉萱仕女

明
唐 庠

羅襪生香踏軟沙
釵橫玉燕鬢鬆鴉
春心正似芭蕉卷
羞見宜男並蒂花

題美人翦牡丹

元
李 祈

沉香亭北玉闌干
占盡風流是牡丹
揀取一枝和露翦
殷勤留向手中看

題牡丹仕女圖

明
錢 宰

樂府黎園曲漫裁
內家新奏牡丹開
下階立得花陰轉

李白承宣詔未來

題辛夷仕女圖

元秦約

辛夷破花香霧寒翠檻十二朱闌干九鸞釵墮釧籠玉
綽態溫溫睡新足蹙金裙衩繡衲襠背人不語看春光
重屏吹香隔瑤地塗抹花房紫霞膩衆中偏數好容色
獨倚東風瘦無力歌鬟倭墮惱多情血點守宮珠汗濕
鬱金堂前春日斜鈿箏按曲度窗紗相思不逐綵雲散
夢隨蝴蝶飛東家

海棠仕女圖

明
鄭淵

東風蕩漾百花潭
翠袖迎風酒半酣
好鳥隔窗催曉色
美人殘夢到江南

題桂花美人

明
高啓

桂花庭院月紛紛
按罷霓裳酒半醺
折得一枝攜滿袖
羅衣今夜不須熏

翦花仕女

元
張昱

咫尺芳叢豔色深
蜂情蝶思兩難禁
看來莫用閒惆悵

剪下春風一寸心

題撚花仕女圖

元

楊維禎

寫罷桃花扇底詩
木香手撚小枝枝
靈犀一點春心密
不許牆東野嘵知

看花仕女圖

元

倪瓚

畫圖常識春風面
雲霧衣裳楚楚裁
為問人間春幾許
石欄西畔牡丹開

劉曜卿畫折花宮女

元

張昱

柳風草露欲沾衣又是宮中上直時
好把桃花多折盡免教吹作落紅飛

折花背立二美人圖

二首

明 徐 賁

女伴今朝出較遲獨來園裏候多時
對花可是無言說懊恨春風許自知

繡罷春衫出閣遲辛夷花下立多時
內園且是無人到不省含羞怕見誰

折花仕女

明 楊 基

玉奴催報海棠開及早梳頭出鏡臺便揀一枝和露折
六宮惟我最先來

折花仕女

明
沈周

去年人別花正開今日花開人未回
紫恨紅愁千萬種春風吹入手中來

折花仕女

明
姚綬

愛濯薔薇露凌晨試折來低鬟猶未插
含笑傍妝臺

題折花美人圖

明
徐渭

高髻阿那長袖垂玉釵彷彿挂羅衣折得花枝向寶鏡
比妾顏色誰光輝

宮女賞花圖

元
袁桷

一架薔薇錦障稠滿庭蜂蝶替人愁玉環已侍昭陽殿
側近傳杯得自由

題張彥明所藏翦紙惜花春起早圖

元
岑安卿

流蘇帳卷春寒輕紗窗弄碧天微明輭紅嬌紫怯朝露

美人推枕心為驚，鬢雲未綰香奩開。侍兒側立肩嬰孩，
黃鶯飛動花影亂。停梳睥睨猶相猜，誰將妙意寄工巧。
溪藤雪瑩金刀小，丹青退舍松煤枯。翦出天真數分杪，
荃熙傾軋空自誇。惟競時人顏色好，無聲有聲兩相副。
此景此詩均壓倒，司空見慣了無言。應是禪心被花惱，
題美人惜花圖

明

張鳳翼

空庭花事幾回新，桃李無言三十春。寄語蛾眉莫相妒，
閒身不是入宮人。

花前獨立圖

明
錢宰

海棠半折銀燭輝
春愁且莫翦春衣
下階立得花陰沒
如此月明人未歸

簪花圖

明
陳繼儒

雙雙燕子翦垂楊
翦得楊花滿繡牀
却憶意中人欲到
留些春色玉釵旁

鬪草圖

明
張鳳翼

競拾芳菲鬪翠眉
輕衫紈扇自低垂
只愁折損宜男草

回首頻看玉樹枝

美人撲蝶圖

明

高啓

花枝揚揚蝶宛宛
風多力薄飛難遠
美人一見空傷情
舞衣春來繡不成
乍過簾前尋不見
却入深叢避鶯燕
一雙撲得和花落
金粉香痕滿羅扇
笑看莫向園中歸
東家西家休亂飛

題美人撲蝶圖

明

王偁

為惜韶華去春深
出繡幃撲將花底蝶
祇為妒雙飛

觀蝶仕女

明
楊基

紅綃衫子雪膚肌
女伴相邀去賭碁
花底忽逢雙蛺蝶
背藏羅扇看多時

馴鶴圖

并序

金
王予可

張伯玉家畫幀宮人徐行以手整釵
一鶴後隨謂之
馴鶴圖伯玉請賦詩
欽叔常苦其作詩多不用韻限
以釵來苔三字

寢處妝鉛未捲釵
孤雲花帶月邊來
六宮簾幙金鸞冷

露濕晨煙啄翠苔

內人臂白鸚鵡圖

元
陳深

華清宮中歌既醉南海奇禽遠爭致玉環最愛雪衣孃
當時曾得龍顏媚璿房雕檻春日長繡棚嬌兒在傍戲
君王憐汝解語言懷恩不說宮中祕臨風鷲鳥何軒軒
歎息純良遭猛厲若翁寫出當時事側立紅衫內人背
江花滿地不忍看空拂畫圖憐俊慧

題鸚鵡仕女圖

元
張昱

美人應自惜年華
庭院沈沈鎖暮霞
只有舊時鸚鵡見
春衫曾是石榴花

題宮人調鸚圖

明

王世貞

杏花枝上綠衣娘
與訴宮中事不妨
只恐匆匆記未盡
且教三字憶君王

題李亮功家周昉畫美人琴阮圖

宋

黃庭堅

周昉富貴女衣飾
新舊兼髻重髮根
急薄妝無意添琴
阮相與娛聽絃
不觀手數腴竹馬
郎跨馬要折柳

內人阮琴圖

元 陳 高

花點吳鹽春欲老
翡翠飛來翦芳草
美人睡起春思深
彈絲拊木寫同心
荔枝五絃調急緩
阮家月琴軸初綰
須臾鈞天雙合樂
南薰殿中風動幕
梨園樂官樂不鳴
宮中之音和且平

題美人琴阮圖

元 郊 韶

金谷花飛春半時
花閒鶯語太遲遲
美人心事渾無賴
忍把柔情摘阮絲

美人摘阮圖歌

明 高 啓

圓槽象月修寒玉暗貯宮商滿空腹美人
和恨抱秋風
偷寫琴中舞鸞曲傾鬟低黛幾娉婷夢約
湘娥倚竹聽
滴盡冰盤老蛟淚阿咸帳底醉初醒梧桐
落翠萎蘭紫
仙澗流雲含玉子甲屏難障夜深寒恐踏
驚鴻忽飛起
不識人間出塞聲瑤臺別有斷腸情調終
人去哀絃歇
樹樹烏啼滿山月

題摘阮圖

明 王世貞

絳紗微露玉尖纖
搗得新聲字阿咸
門外平康佳姊妹
即令偷譜不須嫌

為錢理容題美人月琴圖

明
湯肩勣

芙蓉小院秋如海
涼月半空凝素彩
羊車軋軋過西宮
一失君恩不堪悔
綠銅古阮鳴絃溜
陶寫襟懷三五奏
血色深紅軟繡墩
唾花淺碧香羅袖
先及闌睂後麟趾
雅調雍雍塞入耳
曲終閒倚太湖峰
驚風掉落梭櫓子

題美人彈琴圖

明
張鳳翼

空談卓氏憶華年
浪說文姬識斷弦
何似風前貞女引
低昂一曲使人憐

題二宮人琴壺圖

元
薩都拉

行雲留影雪弄香
藕絲織翠芙蓉裳
春風拂拂蘭蕙芳
金殿不鎖雙鴛鴦
冰絃素手彈鳳凰
玉壺投矢聲玎璫
花落無人春寂寂
侍女空抱琵琶泣
誰知絕代有佳人
不解傾城與傾國
笙歌別院留春住
嬋娟千古蛾眉妒
却笑長門閉阿嬌
黃金好買相如賦

題張叔厚描琵琶仕女

元 熊夢祥

翦燭填詞明皓齒是非恩愛從茲始莫將貶竄立人倫
世上伊誰魯男子

題琵琶仕女圖

元 宋本先

江水東流月滿船江風吹怨入冰絃何如銀燭秋堂夜
一曲新聲直萬錢

題張叔厚畫琵琶仕女

元 鄭東

蝦蟇陵下春風夢潯陽江頭秋月愁莫怪青衫容易濕

多情司馬雪盈頭

琵琶仕女

明

祝允明

馬上琵琶萬里行
四條絃裏斷腸聲
如今纖手朱絲底
不唱離情唱合情

抱琵琶偶埽蕉陰美人

明

徐渭

離宮給事小青衣
催送琵琶向瑣幃
行到芭蕉忽回想
去年此日嫁明妃

題美人彈箏篴圖

明

張鳳翼

金人四庫全書
卷五十八
花老空閨獨損神
笙篴一曲惜餘春
當時若遇盧宗道
纖手應歸馬舍人

周昉橫笛圖

元
張憲

一婦跨鐙如習騎
一婦鵠立類勇士
一婦橫笛坐胡牀
容貌衣裳略相似
鬢鬆雲髻作嬾妝
了鬟手擎紅錦囊
人言天寶宮中女
我意梨園舊樂娼
憶昔承平生內荒
宮中消息漸難藏
昨宵一曲寧哥笛
明日新聲滿教坊
春嬌滿眼情脈脈
喚起紅桃親按拍
不將三弄作伊涼

潛把閒情訴秦虢聲悽調低承索索碧然有聲如裂帛
月落長安天四更六宮一夜梨花白

吹笛仕女圖

明

張泰

冰簟銀牀倚石屏芭蕉涼露濕秋庭貞心試託湘江竹
吹向流雲與鳳聽

夜月吹簫圖

明

王翰

梧桐月轉欲棲鴉閒弄參差隔紫霞彩鳳暗巢長樂樹
金鶯偷語上陽花關妝涼露沾釵玉簇仗香雲繞扇紗

吹到涼州移別調君王親為按紅牙

周昉按樂圖

元李俊民

倚風無力見溫柔初下喧天羯鼓樓猶向花陰理新曲
君王不惜錦纏頭

周昉按樂圖

元張翥

美人按樂春晝長綠鬟翠袖雙鳴璫玉簫高吹銀管笛
二十三絃唬鳳皇後來知是調箏手窈窕傍聽曾誤否
梁州徧徹六么翻此曲惟應天上有行雲不動暮雨生

流鶯瞥目飛鴻驚宮馳羽疾爭新聲花月六宮無限情
君不見後庭玉樹梨園譜日日君王醉歌舞一朝鼙鼓
動地來祿兒危似韓擒虎丹青縱復工何益由來嗜音
必亡國田家機杼人不知好寫幽風勸蠶織

舞姬脫鞋歌題畫

明
楊慎

潘妃睡起冷金沙弓鞋半脫雙鸞斜越羅襪襯齊紈素
彩霞搖曳香生步早路金蕖白日娥芝田洛浦凌微波
曳霜回雪下平地琉璃滑澤春雲膩花鬆玉軟嬌無力

天公一笑生春色
寶蘭因倚殢雙跚
小玉雙成扶不得
起來翹翠踏芳塵
妝臺擗鏡重梳勻
人間絕世誰相并
月鉤下鬪絳鉤新

舞困圖

明
郭武

內園羯鼓催春風
回環轉佩聲丁東
銀籠高爇百枝火
滿樹梧桐明月中
芙蓉舞困霓裳薄
重疊春寒護簾幕
伊州初換錦屏空
十二峯頭楚雲落
葡萄消渴櫻桃小
一騎紅塵報春曉
荔枝風味不禁酸
分與窗前雪衣鳥

回首漁陽促戰鞍
秋風秋雨滿秦關
誰知按盡梨園譜
都是當時蜀道難

宮女度曲圖

元
袁桷

望瀛法曲紫霞觴
更按伊州奉玉皇
翠竹涼深宮院密
新聲那得過宮牆

宮娥奕碁圖

元
袁桷

爭先春色在眉端
圍坐佳人著意看
可是相憐饒不得
東風自怯五更寒

題雙陸仕女

明
貝瓊

千轉裊盧為破顏
玉人何意整雲鬟
也應暗卜關山客
歸馬須看一擲間



御定歷代題畫詩類卷五十八

欽定四庫全書

集部

御定歷代題畫詩類卷

五十九
六十

詳校官刑部侍郎

臣

李紱

主事銜

臣

徐以坤覆勘

總校官降調編修

臣

倉

聖脉

校對官修撰

臣

吳

錫麟

謄錄監生

臣

黃

恒謙

欽定四庫全書

御定歷代題畫詩類卷五十九目錄

仕女類

倦繡圖

宋范成大

倦繡圖

元元好問

周昉倦繡圖

元李俊民

題趙紹隆倦繡圖

元陳旅

題春宮倦繡圖

元陳旅二首

倦繡圖

元陳基

倦繡圖

明陶安

刺繡倦繡二圖

明楊基

倦繡美人幃

明顧璘

題刺繡圖

明張鳳翼

添線圖

明魯鐸

題張萱美人織錦圖

元納延

織錦圖

元陳基

織女圖

元薩都拉

擣練圖

元范村

張萱唐宮搗練圖

元程鉅夫

周昉擣衣圖

元李俊民

澣衣圖

元曹伯啓

美人熨帛圖

明劉溥

題唐人閨秀熨帛圖

明楊慎

月下裁衣圖

明錢宰

題月下裁衣圖

明陳繼

題絡緯圖

明朱經

采桑圖

明文徵明

采蓮圖

明文徵明

石城曲題采蓮圖

明陸師道

剖瓜仕女圖

元倪瓚

題納涼圖

元虞集

水殿納涼圖

元張昱

題水殿納涼圖

元陳基

題水殿避暑圖

元唐肅

題水殿納涼圖

明唐同

倦書圖

元牟巖二首

欠伸圖

宋范成大

次韻東坡跋周昉所畫欠伸美人

金朱之才

宮人欠伸圖

明吳會

春睡圖

明高啓

題曉睡圖

明 胡廣

題美人春睡圖

明 袁宗

題美人春睡圖

明 張籌

春睡圖

明 武氏

睡起圖

明 楊基

春屏未起圖

明 錢宰

春曉美人圖

明 王燾

題四明王元凱畫三姬弄釵圖

元 納延

周昉覽鏡圖

元李俊民

題美人對鏡圖

明高啓

題趙仲穆畫眉圖

明劉基二首

題理髮美人圖

明高啓

仕女觀流水小景

明陸治

佇立仕女

明祝允明

惱公詩題遊春仕女圖

明張璪

題美人圖

明謝承舉四首

掬水月在手畫屏

明謝承舉

拜月圖

明丘濬

宮人望月圖

明陳昌

題閨人望遠圖

元范梈

樓居春望圖

元王惲

美人却扇圖

元王惲三首

團扇仕女

明姚綸

題紈扇美人

明朱經

題宮人汲井圖

明張適

題宮人行樂圖

明周砥

題細腰宮女圖

元李祈

題徐參議所藏唐人浴兒圖

宋王炎

張萱戲嬰圖

金劉迎

六宮戲嬰圖

元楊維禎

題宮姬戲嬰圖

元錢選

戲嬰圖

明高啓

惜嬰圖

明徐賁

題二妹撫嬰圖

明劉績

仕女戲嬰圖

明陳昌

錢舜舉清暉堂寫戲嬰圖

明程敏政

錢舜舉深宮戲嬰圖

明程敏政

題四時百子圖

元歐陽玄

御定歷代題畫詩類卷五十九目錄

欽定四庫全書

御定歷代題畫詩類卷五十九

仕女類

倦繡圖

宋

范成大

獨兒弄暖綠階走花氣薰人濃似酒困來如醉復如愁
不管低鬟釵燕溜無端心緒向天涯想見檣竿旛脚斜
槐陰忽到簾旌上遲却尋常一綫花

倦繡圖

元

元好問

香玉春來困不勝
啼鶯喚夢幾時磨
可憐憔悴田家女
促織聲中對曉燈

周昉倦繡圖

元
李俊民

心情猶在未收時
却顧花間影漸移
不道春來添幾線
日長只與睡相宜

題趙紹隆倦繡圖

元
陳旅

籠碧紗厨挂秋水
藕風吹香團扇底
琵琶彈歇宮晝長
釵落雲邊九雛紫
二妹誰是薛靈芸
繡得金塘兩鴛似

宮奴夕殿呼更衣露濕銀牀響桐子

題春宮倦繡圖

二首

元
陳旅

上陽宮樹奏鶯簧
蛺蝶羅衣逗暖香
睡思已隨巫峽雨
綵絲偏與日爭長

綠樹垂垂護寶闌
牀頭翠帕幕雙鸞
阿鬟可是無情思
又見春風到牡丹

倦繡圖

元
陳基

宮門深鎖晝偏長
懶把春雲繡作裳
恨不將身化蝴蝶

長隨飛絮近君王

倦繡圖

明

陶安

困來無力整殘妝
采綫何如意緒長
纖手欲閒閒不得
要將文繡獻君王

刺繡倦繡二圖

明

楊基

兩日無心繡一絲
偶將斜線刺花枝
無端繡到雙胡蝶
憶著西窗夜雨時

刺得芙蓉半朵金
倚牀無語自沉吟
玉鈴不解傷心事

抵死相催刺幾鍼

倦繡美人幃

明
顧璘

罷繡非關暝含愁詎為春祇恐燕臺下花月解留人

題刺繡圖

明
張鳳翼

蛺蝶成雙過短垣參差花事到山礬凝妝刺繡消清晝
猶勝東家倚市門

添線圖

明
魯鐸

寒日起天無約摸短長那遣忙人覺漢宮相語驚翠蛾

繡綫朝來添幾何
昭陽宮門在何處
歲晚無由通線路
憑誰却問承恩人
遠近何如天度數

題張萱美人織錦圖

為慈溪蔡元起賦

元 納延

織錦秦川窈窕娘
新翻花樣學官坊
窓虛轉軸鸚鵡聲滑
腕倦停梭粉汗香
雙鳳迴翔金縷細
五雲飛動綵絲長
明年夫婿封侯日
裁作宮袍遠寄將

織錦圖

元 陳基

佳人織錦深閨裏
恨入東風淚痕紫
三年辛苦織回文

化作鴛鴦戲秋水秋水悠悠人未歸鴛鴦兩兩弄晴暉
料應花發長安夜不見閨中腸斷時

織女圖

元

薩都拉

蘭閨織錦秦川女大姬啞啞弄機杼小姬織倦何所思
簾幕無人燕雙語成都花發江水春門前馬嘶車轢轢
髻鬟兩耳看欲墮蛾眉八字畫不伸良人一去無消息
冰蠶吐絲成五色柔腸九曲細於絲萬縷春愁正如織
綺窓睡起聞早鶯西樓月落金盤傾暖霞拂地海棠曉

香雪潑戶梨花晴日長深院機聲動梭影穿花飛小鳳
水心驚起鴛鴦飛花底不成胡蝶夢纖纖玉指柔且和
香鉤小襪裁春羅滿懷心事付流水盪日雲錦生層波
佳人自古多命薄風裏楊花隨處落豈知醜婦嫁田家
生則同衾死同槨君不聞長安市上花滿枝東家胡蝶
西家飛籠中鸚鵡喚新主門外侍兒更故衣又不聞田
家婦日埽春蠶宵織布催租縣吏夜打門荆釵布裙夫
短袴我題此畫三嗟吁百年醜好皆虛無排雲便欲叫

闔闔為我獻上幽風詩

擣練圖

元
范梈

深宮佳人白日長夜感蟋蟀鳴中房起視河漢心回皇
雲鬢籠鬆分作行清水如天收素練翠娥帶月杵玄霜
輓轆無人金井悄邊頭不見梧桐黃裁縫熨貼安在牀
載玄載黃公子裳製成不遠煩寄將但見寒暑雕三光
身體甚適平時康君不見古來邊庭士雪壓關河征戰
多折盡衣裘淚如水

張萱唐宮搗練圖

元
程鉅夫

月杵輕揮快似飛
霜紈熨貼淨輝輝
詩人不解畫師意
微詠周南澣濯衣

周昉擣衣圖

元
李俊民

一夕秋風鴈過聲
鐵衣辛苦向邊城
將軍不用和戎計
雙杵休辭月下鳴

澣衣圖

元
曹伯啟

靜女思歸寧澣衣
拜高堂隱士履貞固
濯纓視滄浪苟

有涓潔心顙頰猶姬姜常懷濟時策進退皆康莊

美人熨帛圖

明
劉溥

霜帛丁東搗初歇女伴相憐白如雪掩帷下堂同此情
白腕對曳當中庭中庭無風乾未得銅斗自燒還自熨
只愁熨著有焦暈難表此身如此白小鬟莫更蹲復蹲
復恐皺却葵花紋

題唐人閨秀熨帛圖

明
楊慎

碧梧葉落紅閨晚玫砧敲月催金翦重重海簾銀蒜垂

曲曲山屏早羅展廣儲懸月月初臨綈幕染霜霜已深
禁籞銖衣圍夜玉嗟峨寶髻辟寒金雲母箱開同心鎖
鈿鈿香浮九微火秦篝齊縷闌紛華蜀錦吳綾分婀娜
熨帛申繒憶遠行遙遙夜夜不勝情百層妾住垂花塢
萬里君居碎葉城垂花碎葉音塵隔春去秋來感行跡
深閨心斷結蠶書絕塞眼穿無鴈帛明燭蘭膏照獨眠
蛾眉曼睩為誰妍試看裴羽相思夕何似徐吾共績年

月夜裁衣圖

明
錢 宰

霜落黃梧漢月高
西窓對月翦征袍
妾心不憶交河冷
手冷難裁金剪刀

題月下裁衣圖

明

陳繼

香幃風捲月團圓
睡起裁衣思萬端
秋葉未紅金翦冷
玉門關外不勝寒

題絡緯圖

明

朱經

牽牛風露滿籬根
淡月疎星夜未分
燈下有人拋錦字
機絲零亂不成文

采桑圖

明

文徵明

茜裙青袂誰家女，結伴牆東采桑去。
采桑日暮怕歸遲，室中箔寒蠶苦飢。
只愁牆下桑葉稀，不知牆頭花亂飛。
一春辛苦只自知，百年能著幾羅衣。

采蓮圖

明

文徵明

橫塘西頭春水生，荷花落日照人明。
花深葉暗不辨人，有時葉底聞歌聲。
歌聲宛轉誰家女，自把雙橈擊蘭渚。
不愁擊渚濺紅裳，水中驚起雙鴛鴦。

石城曲題采蓮圖

明
陸師道

秦淮水綠芙蓉明
玄武湖邊煙艇橫
香風翠袖暮雲亂
落日新妝紅浪驚
城隅濠曲歌聲起
却寄愁心棹謳裏
恨不相攜桃葉渡
心知同在長干住
須臾花冥鳳凰臺
帝闕回看錦作堆
明月各隨珠珮去
白鷗獨送綵舟回
蓮浦紅衣秋露濕
桂林金粟秋風急
相逢江上采蓮人
回橈猶向花間立
帝京曾憶看花行
畫裏今瞻雲錦城
十年漁舸滄洲卧
羞對紅蕖白髮生

剖瓜仕女圖

元
倪瓚

月彎削破翠團團六月人間風露寒誰覓東陵故侯去
但知華屋薦金盤

題納涼圖

元
虞集

百頃芙蓉水滿隄綺窓只在畫橋西羊車薄暮過湖曲
驚起鴛鴦不並棲

水殿納涼圖

元
張昱

別殿紅綃女無風亦自涼闌邊是湖水夜夜宿鴛鴦

題水殿納涼圖

元
陳基

白宁衣裳嬾自裁
手搖羅扇此徘徊
水晶宮殿涼風少
欲勸君王架露臺

題水殿避暑圖

元
唐肅

玉骨自無汗水殿
況如秋樹陰辭日
赫荷氣迎風柔恩
與涼俱重愁隨暑
易收願窮歌舞力
長年奉晏遊

題水殿納涼圖

明
詹同

湖上闌干百尺臺
臺邊水殿倚雲開
紅橋人隔荷花語

玉盃金盃進雪來

倦書圖

元
牟 獻

日長偏困校讎人
袖手旁觀亦欠伸
一覺黑甜甜午枕
絕憐識字苦勞神

倦書圖

元
牟 獻

誰道春酣雨不禁
朦朧眼色透雲屏
著人花氣深於霧
却是三郎睡未醒

欠伸圖

宋
范成大

春風吹夢鷺江飛行盡江南只片時深院無人自驚覺
夕陽芳樹乳鴉啼背立妝臺髻鬟鏡鏡驚應見茸茸眼
不須回首更嫣然劉郎已自無腸斷

次韻東坡跋周昉所畫欠伸美人

金

朱之才

巫峽昭君有奇色毛生欲畫無由得但作東風背面身
看來已可傾人國朝來睡起鬢髮垂手如春筍領蝤蛸
繡帷幽夢斷難續想像翠黛顰修眉春光三月濃於酒
燕燕雙飛鶯喚友不教膩臉露桃花且喜腰支似楊柳

君不見漢宮多病李夫人轉面不顧君王嗔古來畫工
畫意亦自足煙霧玉質何由真

宮人欠伸圖

明

吳會

舞困歌慵酒夢遲小欄舒腕轉腰時落花垂柳嬌無力
都送春愁上兩眉

春睡圖

明

高啟

妝殘嬌睡帶餘醒鸚鵡當窓不敢驚誰信上陽宮內女
一春愁絕夢難成

題曉睡圖

明
胡廣

昔聞藐姑射其山多神仙雲裾霞袂何蹁跹今之畫圖
無乃是人間一住三千年紗帷半揭清如洗十二闌干
曙色裏天風吹夢度寥廓倦倚鮫綃睡不起芭蕉葉綠
松露涼枕邊裊裊騰爐香飛來啼鳥莫呼醒日上扶桑
清晝長

題美人春睡圖

明
袁宗

東風小院闌干曲滿地梨花浣香玉金窻晝靜燕初閒

火養沉煙一絲綠美人消瘦桃花肌春腰玉減一尺圍
碧紗帳小蟬翅薄睡損舞裙金縷衣綠雲盤盤堆枕重
翠滑斜偏小金鳳啼殺流鶯喚不醒風流政作江南夢
檻前芍藥吹幽香隔花玉漏聲正長冶情蕩漾收不得
誤隨蝶過東家牆東家牆裏新妝女兩兩三三喧笑語
西亭昨夜爛張筵燭膩銅盤照歌舞

題美人春睡圖

明
張 籌

春睡纔醒粉褪腮香塵不動下階來畫闌曾倚東風笑

向晚櫻桃一半開

春睡圖

明武氏

煙輕紅玉重驚鳥別湖橋徐起說清夢和風轉絳桃

睡起圖

明楊基

月圓團扇送輕涼荷大如錢作藕香午夢醒來思白雪
玉甌催進荔枝香

春屏未起圖

明錢宰

梨花落月酒微酣柳絮春雲睡正堪夢入長安歸未得

覺來不信是江南

春曉美人圖

明
王 燧

梨花埭上雞鳴早十二瓊樓天乍曉東風不動綠楊絲
雲母窗空春悄悄銀屏複帳掩蛟綃遮斷蓬山海路遙
鬢亂釵橫雙鳳驪玻璃枕上不勝嬌誰將鸚鵡偷調弄
驚散瑤臺合歡夢金盤仙掌日華高小苑花枝露痕重
小玉熏殘蘇合香臨鸞先學理新妝含情欲起嬌無力
滿院綠陰春晝長

題四明王元凱畫三姬弄釵圖

元 納延

秦虢夫人夜不歸，太真留宿宴宮闈。
席當瑤砌香茵薄，花落金罇碧露微。
笑翫寶釵爭殢酒，醉憑玉几不勝衣。
畫圖貌得嬋娟趣，藝苑流傳絕代稀。

周昉覽鏡圖

元 李俊民

不教朱粉汙天真，長對菱花顧影頻。
但把蛾眉掃來淡，尚嫌不似虢夫人。

題美人對鏡圖

明 高啟

曉院鹿盧鳴露井
玉人夢斷梨雲冷
起開妝閣笑窺奩
月裏分明見娥影
自對猶憐況主家
春風一面斷腸花
何由鑄入青銅內
不使秋霜老鬢華

題趙仲穆畫眉圖

二首

明

劉基

有美清揚婉且閒
橫雲吐月鬬鸞環
平生不識張京兆
却對妝臺寫遠山

含簫茹管細相和
語困春風意更多
驚起佳人應有恨
雙蛾蹙損不成歌

題理髮美人圖

明
高啟

桐風朝動內園枝，吹亂花前髮幾絲。
石後理梳羞未出，怕人猜是倦妝時。

仕女觀流水小景

明
陸治

銀塘秋水玉娟娟，霜葉漂紅去渺然。
幾欲題詩寄遼海，只應流水到君邊。

佇立仕女

明
祝允明

非緣望遠上秦樓，楊柳依依翠陌頭。
畫就遠山調錦瑟。

最憐夫婿不封侯

惱公詩題遊春仕女圖

明
張璪

眉黛彎新月
瞳人翦碧波
態濃娃館妓
腰細楚宮娥
緩踏金蓮步
新翻白雪歌
輕輦迷下蔡
妙舞絕陽阿
寢閣珠為網
妝樓錦作窩
梨花香玉破
柳穗鬱金拖
瑟柱鏘鸞鳳
尊壘列象駝
瑤釵橫玉燕
繡帔砑銀鴛
小汗肌香膩
微酣臉暈酡
櫻脣朱滴滴
鴉髻黑峨峨
司馬憐琴癖
周郎顧曲訛
喜窺韓壽戶
怒擲幼輿梭
曉睡啼鶯喚
春

遊細馬馱宓妃臨洛浦漢女出江沱拾翠煙堤蕙寒芳
露渚荷畫船青雀舫綵騎玉蹄騶虢國輸妝靨羅敷避
翠蛾使君逢調笑丞相近嗔呵絕豔方如此幽懷定若
何琵琶勞問卜烏兔恐蹉跎睡鴨頻添火牽牛奈隔何
幾愁鴛浦隔偶借鵲橋過蝶思迷芳蕊蜂情戀蜜窠封
緘書荳蔻密意托絲羅錦被熏濃麝霞漿酌巨螺流蘇
垂婀娜蜀綺疊陂陀井樹棲烏鵲筠籠睡翠哥更壺催
漏箭火樹爛瓊柯的的緣思合濛濛與醉和曲屏嫌夜

欽定四庫全書

御定歷代題畫詩類
卷五十九

七

短斗帳得春多海誓寧教爽山盟詎有它兩情成比翼
萬事付蠻蝸蘭帶同心綰菱盤照膽磨豈徒消宿恨頓
覺起微疴晝裏腸猶斷桑中句厭哦始知傾國貌能作
合歡魔麗玉埋馨地秋娘瘞粉坡至今遊冶客猶為酹
蓬科

題美人圖

畫惜花春起早愛月夜眼遲拘
水月在手弄花香滿衣四景

明
謝承舉

風雨妒花春事催鶯聲喚起未明時怪來小玉知人意

采得宜男第一枝

朱闌十二冷光多
水定銀塘鏡自磨
深夜人來照妝束
欲將圓缺問嫦娥

冰華纖指漾銀鉤
水色蟾光上下浮
自是行人無定準
相逢何日大刀頭

雪後梅花早破春
玉瓶高插淨無塵
不知衫袖招搖處
十日餘香尚襲人

掬水月在手畫屏

明
謝承舉

欽定四庫全書

卷五十九

院涼夜彩流金蟾海空秋華開素奩含情欲共嫦娥語
畫簷鈎上真珠簾姮娥住老廣寒殿金樹銀花四遮面
癡情苦思招不來千古萬古誰能見銅盤一掬太液清
金蟾墮水秋分明兩輪上下互相蕩團團似愛纖纖擎
陰精含胎未分割白兔棄丹將遁走水華壁影一規中
却入人間豔姝手豔姝弄月還傷情屈指圓缺頻送迎
幽閨秋冷夜光靜千里有人關塞行

拜月圖

明丘濬

新月初上天焚香拜且告拜到月圓時行人應解到

宮人望月圖

明
陳昌

龍腦香銷寶釧溫梨花明月淡黃昏自緣妾命生來薄
非是羊車不到門

題閨人望遠圖

元
范梈

郎行不用苦悲辛久別心知萬事親看取江邊垂柳樹
最先零落最多春

樓居春望圖

元
王惲

翠斂雙蛾底事愁不緣春去落花稠歸鞍未得朝天信
望斷東風燕子樓

美人却扇圖

二首

元
王惲

寶檻承恩妒露華背金翻日羨宮鴉幽閒好備闌畦德
望絕羊車失自誇

絕代佳人擬罕儔幽閒無夢到河鳩春風靜鎖昭陽院
落盡庭花轉自愁

又題美人却扇圖

元
王惲

中饋頻繫女所思春風何意醉瓊枝畫家解寫

原本闕三字

不見樊姬脫珥時

團扇仕女

明姚綸

濃黛消香淡兩蛾花陰試步學凌波專房自倚傾城色
不怕涼風到扇羅

題纨扇美人

明朱經

蝶粉蜂黃滿眼新小園微步不勝春白團欲把歌扇掩
生怕流鶯也妒人

題宮人汲井圖

明 張適

燕子歸時風滿林，
碧梧月上思沉沉。
輶轡聲轉銀牀滑，
望斷君恩似井深。

題宮人行樂圖

明 周砥

金宮游素女，玉笛弄清暉。
月殿龍香度，風簾翠影飛。
雲開移綵仗，花落卷春衣。
莫買相如賦，長門事已非。

題細腰宮女圖

元 李祈

聞道君王罷晚朝，
重門深殿鬱嶢嶢。
樂聲一片從雲起，

知是宮中舞細腰

題徐參議所藏唐人浴兒圖

宋王炎

古相嘗慚呼畫師技癢仍復拈毛錐逼真誰作此
贗本亦有妙意生妍姿中庭燕坐必主婦綠雲高髻香羅衣
嫣然嬪妾左右侍前浴能言丹鳳雛雖娉婷及笄女公子
素腕擁項相攜扶兩兩為朋四髻鬢乳媪隨逐相諧嬉
掌中看珠二少艾捧顙却立鴉鬟奴屏間擁膝袖玉笋
疑是夢間顰翠眉側身背面按箏者冰肌綽約不自持

牀前跪起各姝麗為兒理髮拭涕洟有犬欄斑受摩撫
與人習熟無猜疑梳妝淡薄服製古如見永徽貞觀時
若非侯家及主第人物無此美且都荆釵布襦小家婦
生子不如山下麕

張萱戲嬰圖

金

劉迎

犀顙玉頰寧馨子霧鬢雲鬟窈窕娘三十年前大門日
憶觀羣戲碧方牀

六宮戲嬰圖

元

楊維禎

黃雲複辟椒塗蘇銀牀水噴金蟾蜍宜男草生二月初
燕燕求友鳥將雛芙蓉花冠金結縷飄飄盡是瑤臺侶
宮中箇箇承主恩豈復君王夢神女梅檀小殿吹天香
新興髻子換宮妝中有一人類號國淨洗脂粉青眉長
百子圖開翠屏底戲弄亞亞未生齒侍奴兩兩舁錦棚
不是唐家綠衣子蘭湯浴罷春晝長金盤特瀉荔枝漿
雕籠翠哥手擎出為愛解語通心腸宣州長史耽春思
工畫傷春欠春意吳興弟子廣王風六宮猫犬無相忌

君不見玉釵淫寵戕漢孤作歌請獻螽斯圖

題宮姬戲嬰圖

元錢選

殿閣森森氣自清不知人世有蓬瀛日長無事宮中樂
閒與諸姬伴戲嬰

戲嬰圖

明高啟

芍藥風欄側梧桐露井傍嬌嬰爭晚戲少婦鬪春妝共
詫珠生蚌還憐玉產岡半披文錦襖斜珮紫羅囊額髮
葳蕤短胸胞細膩光庭前王氏子陌上衛家郎弱草身

眠軟芳英手弄香隨人貪作劇避伴學迷藏莫撲花蝴蝶
蝶宜為蠟鳳凰塗漆雲母粉浴試水沉湯麟送徐卿宅
闌生謝傳堂愛均看總好年並比誰長驥種雖難匹鶴
雛已作行欣君得此畫真是夢熊祥

惜嬰圖

明

徐貫

佳兒逢吉日內人開慶筵蘭獻庭前瑞桂降月中仙長
眉春與秀重瞳秋向妍客聞啼亦喜母省浴更憐擲玉
礪為果貽金鑄作錢武攬華弓小文持湘管圓舊知熊

入夢還徵鳳集肩積世寧無德傳家今有賢

題二姝撫嬰圖

明

劉績

休織流黃罷養蠶桃根桃葉並清酣龍綃却暑肌香膩
蟬翼凌風鬢影髮常恨畫中題豈尅誰教窓下種宜男
螽斯合備房中樂見說如今化已覃

仕女戲嬰圖

明

陳昌

妝罷紅絛玉鏡臺花前含笑戲嬰孩分明五采丹山鳳
飛入春風掌上來

錢舜舉清暉堂寫戲嬰圖

為臨淮
顧謙賦

程敏政

海榴花開白日長繡屏十二雲錦張沈沈午漏下初刻
搔頭不整慵來妝一姬南面金縷裳兩姬夾侍相頡頏
欣然圍坐看兒戲斑管雕弧堆象牀三姬鼎足如鴈行
玉階隨步鳴雙璫以口撫嬰愛入骨笑語彷彿聞昭陽
一姬下坐收錦襠洗兒自與澆蘭湯涓涓秀若化生子
銀盆水滿芙蓉香一姬轉盼殊未央拭巾在手明吳霜
小鬟兩兩意閒適紈扇不動薰風涼苔溪畫史推錢郎

柔思獨步丹青場摩挲舊本豈易得流傳遠自清暉堂
才人不說顧長康鑒賞欲博千金強螽斯麟趾尚可作
為君擊節歌周王

錢舜舉深宮戲嬰圖

明
焦 竑

水晶簾隱繡匡牀葉葉芭蕉逗晚涼手舞龍雛成一笑
不知清蹕幸昭陽

題四時百子圖

元
歐陽玄

天無一日具四時人無一母生百兒何人筆端巧造化

人事天時俱盡之
三三兩兩如魚隊
日長遊戲闌干外
采蓮攀柳爭後先
繞竹觀梅分向背
一真未鑿萬象春
誰家苑囿誰家人
莫是越王泛蠡嗣
西湖湖上嬉芳塵
當時富貴傍觀羨
至今宇宙流傳遍
爭如茅屋浣花溪
竹根稚子無人見
摩挲此圖真附髀
多憂正為多男子
但須得似仲謀兒
人生一夢已足矣

御定歷代題畫詩類卷五十九

欽定四庫全書

御定歷代題畫詩類卷六十目錄

仕女類

觀李湊所畫美人障子

唐劉長卿

傳畫美人戲成

宋李綱

得孫仲方畫美人一軸

宋梅堯臣

周昉畫美人歌

宋蘇軾

題伯時所畫宮女

宋韓駒二首

郭顯道美人圖

元李俊民

宣和內人圖

元郝經

錢璽溪宮人圖

元安熙

周昉畫美人圖

元虞集

題耿氏所藏豔畫

元陳旅

題美人卷

元丁復

美人圖

元郭翼

題四時宮人圖

元薩都拉四首

題張士厚四時仕女

元郭洪四首

題美人圖

元郭翼

題詩意圖

元郭翼

題美人圖

元貢性之

美人圖

元金涓

題宮人圖

元唐肅三首

美人圖

明高啓

宮女圖

明高啓

仕女四春圖

明楊基四首

二美人圖

明楊基二首

題美人

明解縉

題仕女

明平顯

沈如美所畫美人圖

明張肯

仕女圖

明張寧二首

聯璧圖

明姚綸

仕女圖

明丘吉

題四美人圖

明程敏政四首

美人圖

明周用二首

題美人

明邊貢

題美人圖

明方行

仕女圖

明沈周

美人幃子

明顧璘二首

題畫美人

明李鳴鶴

美人圖

明林景清

題謝汝湖冢宰美人卷

明陳鶴

題美人

明陸深

畫人圖

明陳繼儒

畫美人

明徐渭

詠畫屏美人

明葉小鸞二首

題十眉圖

金劉迎

周文矩十美图

元吳鎮

周文矩十美图

元黃公望

背面美人圖

明高啓

背面美人圖

明蘇澹二首

上賜潘司農龍眠拂菻婦女圖

元程鉅夫

貞女慎行圖

元陳基

題吳娃圖

元馬祖常二首

題秦宮人圖

明唐斗丈

題周昉瓊林夜醉圖

明楊慎七首

宮意圖

明倪仁吉

屏風絕句

唐杜牧

詠畫障

唐上官儀

題畫扇

宋王安石

當世家觀畫

宋梅堯臣

錢舜舉畫

元虞集

題院人畫小景

元張憲

題畫

元唐肅

馬璘畫

明高啓

題畫

明王鏊二首

題畫

明桑悅

題畫

明王世懋

為袁一無題扇

明顧觀

題畫

明張紳二首

題畫

明陳繼

為黃應龍姬人史鳳翔題扇上景

明祝允明

題扇詩

明田娟娟

御定歷代題畫詩類卷六十目錄

欽定四庫全書

御定歷代題畫詩類卷六十

仕女類

觀李湊所畫美人障子

唐
劉長卿

愛爾含天姿丹青有殊智無間已得象象外更生意西
子不可見千載無重還空令浣紗態猶在含毫間一笑
豈易得雙蛾如有情窻風不舉袖但覺羅衣輕華堂翠
幕春風來內閣金屏曙色開此中一見亂人眼只疑行

到陽雲臺

傳畫美人戲成

宋李綱

美人顏色嬌如花，鬢髮光弱朝陽顰。
玉釵斜插翠眉蹙，豈亦有恨來天涯。
畫工善畫無窮意，故把雙眸翦秋水。
丹青幻出亦動人，況復嫣然能啓齒。
年來居士心如灰，草戶金鋌擊不開。
縱教天女來相試，虛煩雲雨下陽臺。

得孫仲方畫美人一軸

宋梅堯臣

駿駒少馴良，美人少賢德。
常聞賁君駕，亦以傾人國。
因

觀辟間畫筆妙仍奇色持歸非奪好來者恐為惑

周昉畫美人歌

宋蘇轍

深宮美人百不知飲酒食肉事遊嬉彈絲吹竹舞羅衣
曲終對鏡理鬢眉岌然高髻玉釵垂雙鬟窈窕萼葉微
宛轉躑躅從嬰兒倚楹俯檻皆有姿擁扇執拂知從誰
瘦者飛燕肥玉妃俯仰向背樂且悲九重深遠安得窺
周生執筆心坐馳流傳人間眩心脾飛瓊小玉雲霧幃
長風吹開忽見之夢魂清夜那復追老人衰朽百事非

展卷一笑亦何為持付少年良所宜

題伯時所畫宮女

二首

宋

韓駒

只道春風閉掖庭朝來綰結髻鬟新蛾眉不是傳君寵
試觸君衣鸚鵡嗔

睡起昭陽黯淡妝不知緣底背斜陽若教轉盼一回首
三十六宮無粉光

郭顯道美人圖

元

李俊民

君不見昭陽殿裏蓬萊人終惹漁陽胡馬塵又不見吳

宮夜夜烏棲曲竟使姑蘇走麋鹿移人大抵物之尤喪
亂未免天公愁雖然丹青不解語冷眼止作鄉溫柔試
問人間何處有畫工恐是傾國手却憐當日毛延壽故
寫巫山女麤醜

宣和內人圖

元
郝經

牡丹橫壓搔頭玉眼尾秋江翦寒綠金翠冠梳抹且肩
正是宣和舊妝束膏脂一搦不勝衣當時宜瘦不宜肥
三千想見無顏色偏有親題御製詩蔡攸恢復燕山府

曾索君王不曾許蕭條萬里去中原偶見花枝淚如雨
却將換米向三韓遂令流落在人間道君一顧曾傾國
今人休作等閒看

錢雪溪宮人圖

元安熙

露冷月華白悠悠方寸心夫君渺何許悵望碧雲深

周昉畫美人圖

元虞集

島上雲生日轉欄海風吹面暮寒尖春明玉色遺薌澤
夜定珠光入鏡奩織得鴛鴦成綠縐教成鸚鵡啄紅甜

試令鼓瑟應無語日斷歸帆思未忺

題耿氏所藏豔畫

元
陳旅

五月風生水殿涼綠楊深處奏鶯簧佳人偏愛臨池坐
欲與荷花鬪晚妝

題美人卷

元
丁復

玉山橫管淚痕光繡褥雙迴綵鳳皇百巧心情題不得
九疑雲冷隔三湘

美人圖

元
郭翼

鬱金殿前楊柳新長門草色春復春下階微微動香步
波影晴光流素塵翠釵蜻蜓雕玉佩攬髻迴風舞裙帶
合歡花落無好花伯勞單飛鶯亂啼玉音夜夜宮車絕
露點蒼苔怨明月

題四時宮人圖

四首

元
薩都拉

紫宮風暖百花香玉人端坐七寶牀鳳皇小架懸夜月
一女侍鏡觀濃妝背後一女冠烏帽茶色宮袍靴色皂
手持團扇不動塵一掬香彎立青曉一女淺步腰半駝

小扇輕撲花間蛾淡陰桐樹一女立手抱胡牀一轉波
牀頭細鎖懸金鐘白鶴雙飛花影重詞人見此神恍惚
巫山夢裏曾相逢

金猊吐煙清晝長美人坐倚百玉牀藍衫一女髻垂耳
手持方扇立坐傍一女最小不會妝高眉短髮耀漆光
玉纖綠筍握金翦柳下輕挽宮人裳金盤玉甕左右列
紅桃碧藕冰雪涼冰壺之傍立一女背後隨以雙白羊
手拱金瓶瀉水忙酒翅灑雪驚鴛鴦鴛鴦得水自雙浴

美人抱膝空斷腸

盆池露冷荷半枯碧波風細雙遊魚美人坐此碧玉椅
屏山方按碧蟾蜍椅後二女執纓立案前二女嬌滴滴
大女手扶小女腰小女嬌倚大女膝涼風入樹落翠槐
秋深不見羊車來金鈴響處吠黃犬美人笑托芙蓉腮
錦屏三面圍繡牀沉香椅上鳳褥光美人端坐袖雙手
臨眉半蹙愁夜長椅後一女搖白羽一女執纓更回顧
一女烏帽金縷衣玉指纖纖攜小女小女手挽大女腰

笑看孔雀雙翠翹可憐美人獨自坐翠竹雪響風前梢

題張士厚四時仕女

四首

元 鄭洪

繡簾壓地花陰陰鳳釵綰髻雙黃金飛絲千尺不墮地
絕似江南游子心寶匳百刻煙如縷暗擲金錢卜神女
櫻桃子熟人未歸薝蔔花開淚如雨

金盆沐曉蟠雙鴉綠紅粉汗霑蟬紗金刀取玉薄於紙
渴心欲死東陵瓜木蘭艇子沙棠楫采蓮得花棄荷葉
荷葉輕如薄倖兒蓮花酷似多情妾

梧桐月小蟾蜍蛰芙蓉露冷銅仙泣金粟香懸十二闌
韞羅塵沁莓苔濕畫屏絳燭煙未銷夜深恨殺雙鸞簫
喚回金屋鴛鴦夢不到銀河烏鵲橋

霜蟾弄影窺金屋么鳳吹香綯銀燭繡羅小韞羅雙蓮
翠袖垂肩倚孤竹紅錦凍折水如車寒衣遞到長風沙
莫遣朝雲妒桃葉寄將春信與梅花

題美人圖

元
郭翼

上清宮殿五雲車降下仙人萼綠華
怪得雪衣無箇信

只將條脫寄羊家

題詩意圖

元 郭翼

鬱金堂上春濃否
薄薄羅襦杏子紅
白日繡窓鶯不語
都緣詩思落花中

題美人圖

元 貢性之

離離珠樹隔秋煙
望斷歸帆信杳然
試問海山今夜月
不知何處照人圓

美人圖

元 金涓

綵雲宮殿月闌干翠袖春風倚莫寒馬上琵琶愁未已
不須重展畫圖看

題宮人圖

三首

元
唐肅

凝思立近井邊梧長日不開金鎖魚和得君王新製曲
傳宣已喚女尚書

不是含愁不是思監官引出赴朝時回頭興慶池邊路
昨日花開夜合枝

洗花染線刺春羅鳳翼雙飛錦作窠暫起非關鍼力倦

海棠時節困偏多

美人圖

明
高啓

秋千庭院閉青春
背立誰曾見得真
莫道不言思憶事
欲言還說與何人

宮女圖

明
高啓

女奴扶醉踏蒼苔
明月西園侍宴迴
小犬隔花空吠影
夜深宮禁有誰來

仕女四春圖

四首

明
楊基

東風翦翦入妝臺眉蹙春愁掃不開非是薄羅能耐冷

捲簾貪看燕雙來

春陰

隔簾鸚鵡解呼名花落閒庭草自生曲曲畫闌皆倚遍

一春刀翦不聞聲

春悶

風送楊花滿繡牀飛來紫燕亦雙雙閒情正在停鍼處

笑嚼殘絨唾碧窓

春繡

蹴罷秋千日已沉東風花底力難禁笑攜女伴歸來晚

失却羅鞋不再尋

春戲

二美人圖

明 楊基

半晌無言却斂眉
玉簪斜墮翠鬟欹
相逢莫說傷心事
才入深宮自得知

鴉頭羅襪鳳頭鞋
細踏花陰下玉階
綰得青絲無奈滑
更臨春水照金釵

題美人

明 解縉

八駿瑤池去不回
蛾眉蕭颯鏡中衰
至今楚水荒臺上
化作行雲夢裏來

題仕女

明 平顯

周南聲教美洋洋比屋絃歌窈窕章一點蕙心清若水
綠陰欄檻畫熏香

沈如美所畫美人圖

為徐文
輝作

明 張肯

流蘇綴彩駕帳寒金鴨不飛香縷殘新霜撲簾白如粉
啞啞烏啼金井欄芙蓉屏開睡初醒守宮淺褪胭脂冷
玉釵慵整雙鳳皇春愁壓翠蛾眉長

仕女圖

為張宗大
題二首

明 張寧

吳城仕女越樣妝
籠冠盤髻銷金裳
東風淡蕩桃李月
看花不語情何長
女伴相將牽穉子
庭院無人花正芳
陽春宛宛白日暮
空抱花枝歸洞房

芙蓉迎秋木犀早
開到黃花秋欲老
涉江人遠鴈來遲
零落東籬為誰好
小娃扶幼步車輕
聞語回頭心懊惱
曲房深閉綠苔生
何處寒衣月中搗

聯璧卷

明
姚綸

仙子瑤臺玉一雙
碧桃紅杏遞生香
絳裙拂地春同步

寶鏡開奩曉並妝
織翠舞衫封蛺蝶
泥金歌扇畫鴛鴦
卷中乍識春風面
惱我題詩一斷腸

仕女圖

明丘吉

絲抽霜藕織仙衣
立近芭蕉怨落暉
踏破綠苔羅襪冷
宮前昨夜有霜飛

題四美人圖

琴瑟書畫

明程敏政

綠綺初調曲未殘
幽情應歎賞音難
不嫌兒女聲相昵
一鶴長鳴繞畫闌

玉子頻拈欲下遲
芭蕉紅日影將移
錦裯兒共金絲犬
問道輸贏兩不知

倦來攜手下階行
共讀周南幾句成
庭桂香中無一事
閒聽公子擊球聲

促織場邊爽氣新
彩毫輕染墨華勻
香閨不愛千紅紫
只寫青松與綠筠

美人圖

二首

明
周用

南國佳人擁翠蛾
玉輿迢遞盼星河
君恩未必皆顏色

消得秋風滿扇羅

彩蟾涼影沁衣絲
畫燭銀屏夢去遲
何事玉關春信遠
梅花清瘦不禁詩

題美人

明
邊貢

月宮秋冷桂團團
歲歲花開只自攀
共在人間說天上
不知天上憶人間

題美人圖

明
方行

白玉簾開露氣浮
芙蓉花近紫金鉤
陽春一曲無人識

空拂銀箏下翠樓

仕女圖

明
沈周

鮎薄牕虛日映樓
杏花風蕩玉簾鉤
手擎妝盒偷微笑
紅蜘蛛絲在上頭

美人障子

二首

明
顧璘

晚多幽思不成妝
徙倚閒臺玉漏長
明月漸低天杳杳
梅花枝上有新霜

霧縠微涼玉露清
銀河西畔水盈盈
桂香蟾影秋無限

一曲霓裳萬古情

題畫美人

明李鳴鶴

一夜春風發芳心不自持
侵晨攜女伴花下對彈碁

美人圖

明林景清

曉院沈沈春晝長
曲闌風暖錦屏香
碧紗窓前罷梳洗
金蓮緩蹴雙鴛鴦
小娃展圖供翫畢
對語雕牀情自適
靈鵲枝頭報喜聲
標梅正是花生實

題謝汝湖家宰美人卷

次金太史韻

明陳鶴

隔花翻曲月臨牆欲覓知音懶闌妝撥盡相思不成調
御溝流水亂人腸

美人

明
陸深

睡起春無事紗厨紅粉樓無言看羅帶獨坐還慚羞雲
鬢亂不理眼波嬌欲流窓前有鸚鵡一為訴春愁

美人圖

明
陳繼儒

弱風吹素衣水熱鴛鴦冷小鬢撩春深不忍嗔花影

畫美人

明
徐渭

牡丹花對石頭開
兩燕低從杏杪來
勾引美人成一笑
畫工難處是雙腮

詠畫屏美人

二首

明

葉氏

名小
驚

庭雪初消月半鉤
輕漪月色共湘流
玉人斜倚寒無那
兩點春山日日愁

紅深翠淺最芳年
閒倚晴空破綺煙
何似美人腸斷處
海棠和雨晚風前

題十眉圖

金

劉迎

寶箱拂塵金屈戌周昉丹青見真筆春風曾憶賦妖嬈
人共畫圖成十一燭奴香底花光凝錚錚鐵響聞三更
車聲雷動不通語眼態波橫空送情蠻雲盤鶴遼天闊
犀玉依依對書札人生何處不相逢還醉武陵溪上月
雨滴蒼筠漏更長

周文矩十美图

元 吳 鎮

有女聯翩巧樣妝能將歌舞動君王誰言金屋風光好

周文矩十美图

元 黃公望

侍宴朱樓向暮歸御香猶在縷金衣相攜女伴階前立
笑指鴛鴦水面飛

背面美人圖

明
高啓

欲呼回首不知名背立東風幾許情莫道畫師元不見
傾城雖見畫難成

背面美人圖

二首

明
蘇澹

抱得琵琶下玉除湖山背立溜犀梳
傍人欲見春風面但道蕭郎有寄書

釵驕烏雲鬢欲蓬回頭環珮響丁東背人不是無情思
自古紅顏畏畫工

上賜潘司農龍眠拂菻婦女圖

元

程鉅夫

拂菻迢迢四萬里拂菻美人瑩秋水五代王商畫作圖
龍眠後出尤精緻手持玉鐘玉為顏前身應住補陀山
長眉翠髮四維列白氎覆頂黃金環女伴駢肩擁孤樹
背把閒花調兒女一兒在膝嬌欲飛石榴可憐故不與
涼州舞徹來西風琵琶檀板移商宮娛尊奉長各有意

風俗雖異君臣同百年承平四海一此圖還從祕府出
司農潘卿拜賜歸點染猶須玉堂筆天門蕩蕩萬國臣
驛騎橫行四海濱聞道海中西女種女生長嫁拂菻人

貞女慎行圖

元
陳基

貞女慎行露君子戒履霜歲暮懷百憂離居真慨慷方
舟豈無楫河水亦可抗臨流不能度佇立以彷徨

題吳娃圖

二首

元
馬祖常

金蓮燭下看蛾眉應是吳王半醉時一自館娃宮壞後

仙魂都上落花枝

千兩金盤浴小兒
玉釵雙墮燕差池
繡窓白日無鍼線
却笑羅敷不畫眉

題秦宮人圖

明
詹斗文

西嶽高峙金天開
黃河一線崑崙來
玉女峰頭望雲海
日月倒挂青蓮臺
華陰避難采松者
逢人尚說秦宮灰
先秦主恩亦不惡
筵牀香檻垂綃箔
鴉黃月冷夢魂迷
翠黛鉛華翻寂寞
一去山中春復春
碧草不棲人世塵

世人爭說山中好誰說山中幽
怨新當時攜得瑤琴去
一曲相思石上陳

題周昉瓊枝夜醉圖

七首

明
楊慎

寶枕垂雲選夢玉簫品月偷聲步
搖翻霜夜艾瓊枝扶
醉天明

魏帝臺隨風動滕王棟與雲飛入
門遙望碧落仙界高
連紫微

金縫湘裙一搦玉鈎羅襪雙彎瓊
腴粉英朝翠錦綴松

脂夜丹

永巷懷情捲玉長門絲淚銷金合
惟蘸暈綠淺楊柳麴塵黃深

百子池頭麗人三花樹下長春襟
解微聞香澤帷褰想見橫陳

星點盈盈笑靨雲衣嫋嫋輕褙
醉妝淡紫沙窳胡旋墜金次工

海上麻姑送酒雲間玉女投壺
應笑南朝老庾水滄冷

面江圖

宮意圖

明倪氏名仁吉

調入蒼梧斑竹枝
瀟湘渺渺水雲思
聽來記得華清夜
疎雨銀缸獨坐時

屏風絕句

唐杜牧

屏風周昉畫纖腰
歲久丹青色半銷
斜倚玉窓嚮髮女
拂塵猶自妒嬌嬈

詠畫障

唐上官儀

芳晨麗日桃花浦珠簾翠帳鳳皇樓蔡女菱歌移錦纜
燕姬春望上瓊鉤新妝漏影浮輕扇冶袖飄香入淺流
未減行雨荆臺下自比凌波洛浦遊

題畫扇

宋

王安石

玉斧修成寶月團月邊仍有女乘鸞青冥風露非人世
鬢亂釵斜特地寒

當世家觀畫

宋

梅堯臣

冰蠶吐絲織纖紈妙娥貌玉輕邯鄲曲眉淺臉顰髮盤

白角瑩薄垂肩冠銅青羅衫日月團紅裙撮暈朝霞乾
手中把筆書小字字以通情形以觀形隨畫去能長好
歲歲年年應不老相逢熟識眼生春重伴忘憂作萱草

錢舜舉畫

元

虞集

一樹花如雪清明客未歸坐看黃鳥並夢作綵雲飛翠
袖寒猶薄羊車過絕稀相如能作賦月下卷春衣

題院人畫小景

元

張憲

高棟層軒夜未央溶溶新綠漲池塘風輕楊柳金絲軟

月淡梨花玉骨香
亂唾碧茸紆曲逕
獨循青瑣轉迴廊
千金一刻誰能買
輸與豪家白面郎

題畫

元
唐肅

春齋畫坐花落初
客來示予古畫圖
圖中人物誰所摹
衣冠似是兩晉餘
中牀獨踞美丈夫
烏紗籠髮虬髯鬚
右手摘阮意自如
左手控絃分疾徐
繞牀六人皆麗姝
纖腰鬢髻長裙裾
一擎羽扇立牀隅
一負塵拂髯柄朱
左右二姝意態舒
一垂短袂一寒襦
一姬手中紙筆具

濡毫展幅若有需一姬執器製特殊非簫非箏非
紛然侍立豔且都爭妍競巧為主娛當時士尚談清虛
內實多欲不可祛公忠世許王司徒亦有短轅金犢車
還客此圖起長吁恬淡寡欲世豈無

馬璘畫

明

高啓

燕睡簾前夜未深羅衣應怯嫩寒侵風傳漏板還堪數
月混梨花不易尋翠館紅樓猶裊裊華燈繡闥正沈沈
畫中一片春宵景寫出幽人悵望心

題畫

二首

明

王鏊

杏花如雪蒲長安起視星河夜未闌為惜穠華宛相似
臨風先折一枝看

坐看冰輪碾玉池夜深欲去更遲遲廣寒宮裏誰為伴
特為姮娥住少時

題畫

明

桑悅

彤庭沈沈月華滿珠簾暗帶紅霞捲春光常在繡幃子
化機不屬天工管金壺漫瀉瓊瑤漿壺中一刻如年長

舞腰裊裊輕貼地，過雲音樂催高翔。
別院風光春正好，銀燭高烧照晴昊。
警露非無閨苑禽，聽歌自有天山鳥。
窈前琪樹瑤玲瓏，玉爐香燼落花風。
紉衣自習越溪事，那知銀箭浮銅龍。
霄漢低回天咫尺，抱衾擁帚皆恩澤。
素娥薄相為前趨，女伴相逢不相識。

題畫

明

王世懋

閨中美人把瑤草，夢斷江南漢宮曉。
舉頭纔見一枝紅，低頭已惜春光老。

為袁一無題扇

明
顧觀

月中仙子種娑羅樹底遙山隔絳河
吹落秋聲向何處
紫簾窻戶晚涼多

題畫 二首

明
張紳

高樹漏疎雨滴瀝下銀塘
美人捲簾坐銀鴨自添香
風吹綠荷葉正見宿鴛鴦

閒門綠樹老華池
芳草生偶隨蝴蝶起
獨自下階行何處
垂楊院春風驕馬鳴

題畫

明

陳繼

鳥散江村社鼓花
搖酒市風帘曾記
踏青歸去香羅著
雨廉纖

為黃應龍姬人史鳳翔題扇上景

明

祝允明

綽綽輕紅廣袖垂
遠山移翠上蛾眉
闌干倚到春深處
雨暖雲香日正遲

題扇詩


明

田氏

名娟

煙中芍藥朦朧睡
雨底梨花淺淡妝
小院黃昏人定後

隔牆遙辨麝蘭香



御定歷代題畫詩類卷六十